

襄城縣志卷之一

知縣汪運正增輯

方輿志 疆域 沿革 星野 山川 風俗 土產

粵自元黃肇判爰定方輿賜履分茅錯壤相制故疆里區域實爲政所首稽焉襄城雖彈丸然樞轉中夏軸運方隅北控燕趙西扼山陝東連海岱吳越南通楚蜀黔滇蓋儼然一衝要地也其中河嶽環萃人物繁殖覽風土而識習俗之好尚披形勝而知山川之峙流則幅輳仍舊氣象聿新何莫非皇圖鞏固之所茂育也歟於是志方輿

襄城縣志

卷之一 疆域

疆域

邑有疆域所以別界限定遠邇也官有分土則民有定籍雖時或更遷而地無增減蓋由來重矣

東接臨潁縣界 界在范湖東磚橋五十里 縣治

抵臨潁縣九十里

東南接郟城縣界 界在霍堰東路家店六十里

縣治抵郟城縣一百二十里

東南又接舞陽縣界 界在洛岡三十里 縣治抵

舞陽縣一百里

南接葉縣界 界在湛河三十里 縣治抵葉縣六十里

西南接寶豐縣界 界在大石橋七十里 縣治抵寶豐縣九十五里

西接郟縣界 界在魯渡行陽二十五里 縣治抵郟縣六十里

北接禹州界 界在閭寨四十里 縣治抵禹州九十里

東北接許州界 界在潁橋北夏廟坡五十里 縣

襄城縣志

卷之一

疆域

二

東抵州治九十里

本縣四至 東西延長八十里 南北袤廣七十五里 東北抵省城開封府三百一十里北抵北直順天府一千八百九十里

沿革

春秋時屬鄭古汜地周司徒鄭桓公問於太史伯對曰獨洛雒之東土河濟之南可居公曰何以對曰地近虢鄆虢鄆之君貪而好利百姓不附今公爲司徒民皆愛公公誠請居之虢鄆之君見公方用事輕分

公地公誠居之號郟之民皆公之民也桓公曰善於是卒言王東徙其民雒東而號郟果獻十邑竟國之號曰新後遂有汜邑周襄王避叔帶之難出奔於鄭鄭居王於汜因名曰襄城史記韓哀侯二年滅鄭襄城遂屬韓戰國時屬魏秦并天下襄城屬潁川郡西漢置襄城屬潁川郡莽曰相城東漢因之三國時爲魏地屬潁川郡晉置襄城郡縣屬焉南北朝後周以縣置汝州北齊置漢廣郡亦其封內隋開皇初郡廢大業初州廢仍隸潁川郡唐武德元年復置汝州置襄城縣

襄城縣志

卷之一

沿革

三

二縣貞觀元年州廢以二縣入襄城屬許州開元二十六年改屬汝州宋因之隸京西北路金太和七年改屬許州隸舊南京路元仍許州隸汴梁路明仍屬許州隸開封府

國朝定鼎因之雍正二年改州爲直隸州縣屬焉雍正十三年改州爲府縣爲屬邑乾隆六年仍復爲直隸州縣爲屬邑仍其舊矣

星野

天地間一氣而已卽形有高卑而氣實通之天分垣

野地分郡城若形影然周禮保章氏以渥土辨九州之地封邑皆有分星襄城舊屬潁川郡在豫州之境其分野固有所統觀象者審雲氣而驗晷躔則一歲之災祥可覘矣

鄭玄注周禮保章云房心豫州也史記天官書以房心爲豫州分星

蔡邕月令章句自亢八度至尾四度謂之大火之次寒露霜降居之

郡國志帝王世紀又云自氏五度至尾九度曰大火

襄城縣志

卷之一

星野

四

之次於辰在卯謂之單闕於律爲無射斗建在戌豫州域也班固三統曆晉天文誌與此同

唐一行云自析木紀天漢而南曰大火初氏二度餘千四百一十九抄中房二度終尾六度

玉曆紀潁川入房一度星曰大火官曰天蝸時曰卯按諸家所論星分之遠邇入次之多寡微有參差大抵謂豫州之分野不出乎氏房心之分郡乘謂鄭爲角亢而襄在鄭之東南則入房一度左傳國僑以心爲大火宋屬之今襄適在鄭宋之間則前說是矣謹

定襄城入房一度星曰大火宮曰天蝎

天官書與吟

步天圖歌不見此星

於辰在卯於律爲無射斗建在

戌

山川

襄城爲汴南重地山水秀拔甲於隣壤而崖猷謂控帶京洛蓋中州雄障也後枕岡巒分龍脉於嵩少前浣溪水溯伊洛之源流况首山對峙狀若橫琴汝水繞環勢同腰帶今武紫雲諸山列於西南汜潁澮渚諸水見於西北用是清淑鍾靈人文輩出仕學相承公卿接踵且沃野平衍水陸交通土宜桑麻民知務本誠汝潁一都會矣

山

首山 在縣治南五里橫亘九里屹爲縣治之案

山史記申公曰天下名山八三在夷狄五在中國首山其一也又云黃帝採首山之銅鑄鼎於湖莊周謂黃帝登箕茨訪大隗命駕於襄之野七聖皆迷見童子而問道焉卽此山也爲令武紫雲仙翁諸山之首故曰首山西北麓有乾明寺順治庚寅

年知縣佟昌年禱雨齋居於此凡七晝夜獲大雨  
時士感德爲建作霖亭有記

令武山 在縣治西南五里舊傳楚令武將軍景差  
與秦兵戰于山之南敗歿葬於此因以名山攷今  
山椒塚廟俱存順治庚寅年大旱知縣佟昌年禱  
雨是山之令武神輒應獲大雨因捐俸重修廟宇  
有碑記

靈泉山 在縣西南十里山形如龜一名龜山有二  
井泉一在廟院內一在山之東北隅冬夏不竭每

襄城縣志

卷之一

山川

六

遇旱禱雨輒應順治己丑知縣佟昌年因是山有  
虎出沒爲文往祭自此虎不爲民害山靈感應如  
此因易今名有祭文碑記

高陽山 在縣南十五里上有白雲禪寺山麓多泉  
足滋灌溉其寺太守姚成性建

仙翁山 在縣西南十八里迥出群峰登山之南巔  
俯瞰沙湛遠眺宛葉實襄邑山之最高者上有葛  
仙翁觀丹井依然乃晉葛玄之跡也二泉僅隔尺  
許一泉取水二泉皆動然殊色異味殆不可解

紫雲山 在縣西二十五里東接仙翁山其山形勝  
峯巒律率林木蒼蔚自中峯而下重峯層列疊嶂  
環擁如納陸然南北兩山左右拱抱中有一泉湧  
溢而出旋繞東北由靈泉山之西麓流入于汝水  
其邾敖諸山對峙如屏蒼翠欲滴襄之山第一奇  
觀也山地高寒積雪晚消八景有紫雲晴雪卽此  
邑人李恭靖公建書院于上明朝賜額爲紫雲書  
院因又名書院山

野狐山 一作野湖自靈泉山支派東達高陽山團  
襄城縣志

卷之一

山川

七

團秀起者八九勢如貫珠下有致政邑人王瓌別  
墅今廢

駱駝嶺山 在縣西二十里適當書院山之隘處旁  
高中下狀如駝背因名

舊志俱有真茨山以今之書院山當之以黃帝登  
真茨訪大隗命駕於襄城之野故名今歷詳一統  
志及河南總志廣輿記等書皆載真茨在新鄭縣  
何以重見於此想黃帝時由鄭至襄所歷山麓記  
載相連後人便以爲一地耳今不收入

河

汝水 發源於伊陽天息山徑汝州過邾至本縣始  
大薄城而行屢被齧城南門下橫以石橋凡東  
南舟楫抵橋而止水自城東南收沙澧湛阪北帶  
潁渚諸水直徑潁州正陽合淮泗而入於海雖能  
挽運江淮財貨然上源近山水猛一被淫潦則决  
堤崩岍民田廬舍時被衝塌蓋利害半之當道者  
每欲斲水灌田竟以岍高水深莫可汲挽而止

潁水 發源於登封之潁谷中至鄭州合禹州之乾

襄城縣志

卷之一

山川

八

陽山水徑禹至本縣之潁橋下爲渚引許之溟水  
過臨潁由趙老埠口入汝達江南潁州府潁州得  
名亦以此

渚河 在縣東北四十里卽潁橋河也至此名爲渚  
蓋隨地異名淤沙水淺曰渚

汜水 在城北七里以雨多則泛濫故曰汜又爾雅  
云水自河出仍歸於河曰汜縣曰汜南取此卽北  
七里河由北折而南至城東七里入於汝卽東七  
里河同一汜水也

澮水 在城東北三十五里由草寺北過化行南轉  
東北入於渚

一房村河 南爲河汊又南爲高橋入於汝八景有高  
橋夜月在邑西北三十里

庚河 在縣北二十里今有庚河保

澹河 在縣北二十里閭寨迤東水漫淺而不涸居  
民頗種稻下過靈樹接乾勒河

乾勒河 一名土盧河在不羹城下東接朱湖潭此  
河宜挑濬

襄城縣志

卷之一

山川

九

姜店河 仙翁高陽等山俱多甘泉散流於馬房營  
入湛河蓋有泉水而無河形此姜店迤東可以開  
渠灌田者

六王川 在城西十三里居紫雲令武靈泉駱駝四  
山之中橫亘約十餘里坦然夷衍故謂之川內有  
楚六公子墓故名

舊志有澧河今按澧河在沙河東南卽沙河且屬  
舞葉矣何有於澧今不收

岡

百寧岡 縣東四十里兩岡連綿橫亘數里隔河班  
城對峙形家以爲縣之水口山也嘉靖中藩臬曹  
李二公破賊師尙名於此土宜棉民賴之

伯達岡 縣北三十里下有八塚俗傳周八士之墓  
因以名

驀嶺岡 縣東三十六里

班城岡 縣東南二十里上土下石石皆光圓如丸  
堯城岡 卽不羹城近慈溝

澗泉

襄城縣志

卷之一

山川

十

蓮花澗 內有洞山谷相拱狀如蓮邑人姚汝臯修

芙蓉澗 內有歸雲洞以澗傍山處多芙蓉故名

赤澗 縣北二十里唐時鑿岡爲澗水赤色

櫻桃澗 卽袁家溝在高陽山東北岳陽令袁汝楫

卜築別墅春月櫻桃盛結時盈谷爛熳泉響聲嘶  
亦一佳境

馬刨泉 縣南二十五里衝衢路傍一線清流頗濟  
行人以解煩渴相傳漢光武帝經此馬蹄刨出故

名

陂

夢陵陂 在驀嶺東北一帶約及千頃

來家陂 在靈泉保霍堰東北約五十餘頃

大鴻口陂 在霍堰東北屬留度約七十餘頃

以上三陂係柳溝馬濫二河經地年久淤塞溢水積歲爲害明知縣譚公性教捐俸募夫挑浚各三十餘里水歸於渚土出可耕土人更名爲譚公南渠譚公北渠詳見碑記

聶家陂 在首山西南約五十頃

襄城縣志

卷之一

山川

十一

岳家陂 在草寺西北約六十餘頃

潭

蝗蚡潭 在縣西北二里內多蝗蚡故名天順五年汝水大至決口東北民多漂沒大發丁夫築隄捍患

黑龍潭 在縣東五里

白家潭 在縣東二十里慈溝之西長五里許卽大旱莫測其底船行至此雖長年皆有怖色

朱湖潭 在縣東三十里總志謂瑪瑙泉出於此土

盧河下流至此匯而爲澤土皆膏沃惟土盧河壅故地受淹沒若浚河身使水歸於渚則爲利藪矣

### 風俗

詩咏三百國風居半而政由俗革書蓋可考焉是風俗之爲世代重良有以哉襄民崇儉朴寡交游所從來矣卽今觀之小民務本業不習末作卽遇歲荒不肯輕棄鄉井婦女勤於紡織多以節孝相尙士人重禮義遵名分潔然修己不連黨與比戶頗稱有絃歌

### 襄城縣志

#### 卷之一

#### 風俗

#### 三

之風仕雖至顯宦不爲驕奢民淳訟簡而物產美土厚水甘而風氣和吉凶婚喪之需有無相助喪雖陳設過豐而樞不久停婚雖妝奩加勉而嫁不愆期童蒙知習儒業而不倖於傍岐里民惟謹蓋藏而不矜夫玩好此其俗尙之美庶幾古之遺風也至於宴客筵會結社路祭靡費不貲蓋起於豐不知儉所以小有凶荒多不能支自滄桑以來民窮返朴漸復古初近又浸浸從事於奢侈當事君子嚴禁諄諭化導淳朴不啻三令五申蓋誠杜漸防微之意矣

周禮注豫州人稟中和之氣性理安舒

漢書云潁川人尚忠高仕宦好文學以貪吝爭訟生  
分爲失

元旦 五鼓設燭具牲醴謂之接神及祀祖先畢少  
長以次拜謂之拜節親友相謁榼壘載道數日乃  
已

立春 前一日官吏具春牛芒神於東郊春樓綵車  
盛張鼓吹謂之迎春遠近聚觀壅街填巷大爲喧  
快

襄城縣志

卷之一

風俗

十三

元宵 十五日夜結綵張燈炮竹火樹遠近相接謂  
之鬧元宵十六日出遊名曰走百病吃餛飩湯謂  
之團圓茶相見爲禮如元旦之儀是日母氏迎女  
歸寧

清明 前一日各置新土於墓巔謂之添土至日合  
族皆往祭於墓享胙而歸謂之寒食節蓋有感於  
綿上之節云凡士庶之家清明日插柳於門人戴  
一枝挈榼遊郊謂之踏青城野咸以鞦韆爲戲

端陽 五月五日謂之天中節晨起以雄黃置於酒

中飲之食角黍採百草具五色絲於小兒足臂間  
門懸艾虎首插艾葉皆所以驅疫癘避毒蝕也婚  
姻之家亦有以酒餚饋送者

六月 六日晒書曝衣以防蟲蝕亦有上墳澆湯者  
七夕 舊俗婦女陳菓乞巧今無但農家採麻穀穗  
並瓜棗供獻於神謂之薦新是月十五日乃中元  
節民間多有脩香楮酒餚往墳致祭者

中秋 八月十五日家脩蒸饅瓜菓同婦人迎月拜  
祀聚懽月下飲翫月酒

重陽 九月九日飲菊酒佩茱萸登高禳災

十月 初一日謂之下元節具香楮牲醴滌油餅剪  
紙爲衣鞋上墓焚化謂之送寒衣

十二月 初八日於米豆中雜以菓核謂之臘八粥  
亦有多備以施乞丐者二十三四日祭竈設糖餅  
芻豆掃舍宇

除夕 洒掃堂室換桃符門神易春帖是夕焚楮楮  
置酒食燃炮竹達旦謂之守歲此日亦多嫁娶無  
忌

土產

天地生百物以養萬民凡以養生葬死周世用也但地分南北則土有厚薄水有淺深而長養亦異故植材教稼不可不辨土性順土宜也矧地脉隨時遷轉百年頓異有不止橘渡江為枳者且如首山舊時多產栗橡民間故舍強半舊材今且屢植不一生矣昔多棗實今且無一結實者近有滄桑以來種類缺失更未可按譜而求何怪乎貢漆採銅之說竟成紙上

桑耶

襄城縣志

卷之一

土產

十五

麥類

芒大麥

後種先熟

米大麥

亦可釀酒

芋麥

煮仁作飯最佳今多釀酒

小麥

耐旱多收八九月種者為上

菽麥

立秋前後種俗名陪麥

黍稷類

白黍

白苧黃米為上

黃黍

黃苧黃米為次

黑黍

釀酒

稷

粟類

粟

種類甚多

葛秫

春種秋收

稻

間有之

菽類

黃豆 黑豆 綠豆 赤豆 白豆 夏種秋收

豌豆 雞色豆 冬種夏收

麻類

芝麻 汁油物之貴者 綠麻 苧麻 取油

惟芝麻宜高土餘皆宜下濕糞坑

菓類

桃 杏 柿 棗 梨 李 柰

蘋果 花紅 沙果 石榴 銀杏 核桃 葡萄

襄城縣志

卷之一 土產 六

軟棗 櫻桃 海東紅 文官果 栗林檎

蔬類

葱 韭 蒜 芥 茄 瓠 芹

蘿蔔 紅白二種 白菜 黃瓜 西瓜 甜瓜 冬瓜

南瓜 葫蘆 絲瓜 土豆 菜瓜 茺葵 扁豆

山藥 蓮藕 菠菜 蒼蓮 葛花 香菊 蒿苳

茼蒿 蔓菁 生菜 椿菜

木類

桑 古有著作桑林必其椿紅白二色 榆 俱宜平土

楊柳

宜下濕

槐

柏

松

檜

俱宜山岡

楸

桐

楮

棟

椒

棠梨

青竹

木瓜

花類

牡丹

芍藥

石竹

海棠

地棠

木香

瑞香

結香

金鳳

木槿

玉簪

夜合

芙蓉

凌霄

聚仙

山茶

梔子

玉蘭

天竺

迎春

萱草

月季

雞冠

蜀葵

山丹

梅

荷

桂

菊

襄城縣志

卷之一

土產

七

藥類

牽牛

黑白二種

麥門冬

金銀花

紅娘子

生地黃

牛蒡子

兔絲子

香附子

桑白皮

茴香

茺萸

薄荷

百合

紫蘓

苦參

鴛粟

全蝎

羽類

鷹

鸛

鵲

燕

鳧

雉

鶩

鴨

雞

鳩

鴿

雀

梟

鸛

鷺絲

黃鸝

布穀

鷓鴣

鴉